

**ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ
ՍՊՈՐՏԻ ՆԱԽԱՐԱՐՈՒԹՅՈՒՆ**

**«ԿՐԹՈՒԹՅՈՒՆ ԵՎ ԳՈՐԾՈՒՆԵՈՒԹՅՈՒՆ»
ՍՈՑԻԱԼ-ԲԱՐԵԳՈՐԾԱԿԱՆ ԿՐԹԱՄՇԱԿՈՒԹԱՅԻՆ
ՀԻՄՆԱԴՐԱՄ**

ՀԵՏԱԶՈՏԱԿԱՆ ԱՇԽԱՏԱՆՔ

Խոսումք

ԴԱՍՎԱՐՆԵՐ

Թեմա

**ՀԱՄԱԳՈՐԾԱԿՑԱՅԻՆ ՈՒՍՈՒՄՆԱՌՈՒԹՅԱՆ
ՏԵԽՆՈԼՈԳԻԱՅԻ ԿԻՐԱՌՈՒԹՅՈՒՆԸ ՆԵՐԱՌԱԿԱՆ
ԿՐԹՈՒԹՅԱՆ ՄԵՋ**

Հետազոտող՝

ԼՈՒՍԻՆԵ ՍՈՒՐԵՆՅԱՆ

**ՀՀ ՍՅՈՒՆԻՔԻ ՄԱՐԶԻ ԲԱՐԱՅՈՒՆՁԻ ՄԻՋՆԱԿԱՐԳ ԴՊՐՈՑԻ
ԴԱՍՎԱՐ**

Ղեկավար՝

ԹԱՄԱՐԱ ԱԹԱՅԱՆ

ԳՈՐԻՍ 2022

ՆԵՐԱՃՈՒԹՅՈՒՆ

21-րդ դարում ներառական կրթությունը դիտարկվում է որպես ժամանակակից հասարակության կարևորագույն հիմնահարց: Նրա ոչ ճիշտ կազմակերպմամբ ի հայտ են գալիս մի շարք դժվարություններ, որոնց լուծումը հետագայում դառնում է անհնարին: Այդ խնդիրն ավելի է հեշտանում, երբ կիրառում ենք ուսուցման համագործակցային տեխնոլոգիաները, որն ապահովում է խմբի անդամների միջև դրական աջակցություն ու համագործակցություն: Մեր հետազոտության թեման է՝ <<Համագործակցային ուսումնառության տեխնոլոգիայի կիրառությունը ներառական կրթության մեջ>>:

Ներառական կրթությունը ապահովում է կրթության հավասար պայմաններ, իսկ համագործակցային տեխնոլոգիաները նպաստում են, որ ստեղծվեն այդ պայմանները:

ՀԵՏԱԶՈՏՈՒԹՅԱՆ ՆՊԱՏԱԿԸ

Հետազոտության նպատակն է ուսումնասիրել համագործակցային տեխնոլոգիայի կիրառությունը ներառական կրթության մեջ, կարևորել տարբեր կարողություններ ունեցող աշակերտների առաջընթացը այս տեխնոլոգիայով աշխատելու ժամանակ:

ՀԵՏԱԶՈՏՈՒԹՅԱՆ ԽՆԴԻՐՆԵՐԸ

Հետազոտության նպատակին հասնելու համար ի հայտ են գալիս հետևյալ խնդիրները.

- 1. Ներառական կրթության առանձնահատկությունների մանրամասն ուսումնասիրություն:**
- 2. Դժվարություններ, որոնք ի հայտ են գալիս այս ոլորտում:**

3. Համագործակցային տեխնոլոգիայի կիրառությունը դասաժամերին:
4. Համագործակցային տեխնոլոգիայի ուղիների, մեթոդների և միջոցների կիրառումը լավագույնին հասնելու համար:

ՀԵՏԱԶՈՏՈՒԹՅԱՆ ՆՇԱՆԱԿՈՒԹՅՈՒՆԸ

Համագործակցային տեխնոլոգիայի, ինչպես նաև ներառական կրթության բազմակողմանի վերլուծությունը թույլ է տալիս բացահայտել խնդիրները, վերլուծել թերություններն ու առավելություններն այս ոլորտում:

ՀԵՏԱԶՈՏՈՒԹՅԱՆ ԱՐԴԻԱԿԱՆՈՒԹՅՈՒՆԸ

Հետազոտության թեման արդիական է, քանի որ ժամանակակից կրթական համակարգում բոլոր աշակերտներին, այդ թվում կրթության առանձնահատուկ պայմանների կարիք ունեցողներին, ընդգրկում ու ներառում են ուսուցման պրոցեսում: Այդ ներառումն ավելի արդյունավետ կլինի ժամանակակից տեխնոլոգիաների կիրառմամբ, հատկապես համագործակցային տեխնոլոգիայի: Եվ քանի որ այդ ամենը դեռ իրականացման փուլում է, ուրեմն դրանք դեռ արդիական են համարվում:

ՀԱՄԱԳՈՐԾԱԿՑԱՅԻՆ ՈՒՍՈՒՅՈՒՄ

Մարդու մեջ հայտնի են մեծ թվով ուսուցման գործընթացներ, որոնք համագործակցում են ` ստեղծելու մեր ողջ գիտելիքը:

Սովորելը գործողություն է, որի միջոցով մարդը կարող է ձեռք բերել նոր գիտելիքներ, վարքագիծ, հմտություններ, արժեքներ կամ նախասիրություններ կամ փոփոխել դրանք, որոնք նախկինում ձեռք էին բերել:

Ուսուցման տեսակների ուսումնասիրությունը մեծ նշանակություն ունի շատ տարբեր առարկաների համար, որոնց շարքում առանձնանում են հոգեբանությունը, թերապիան, մանկավարժությունը և նյարդաբանությունը: Դրա շնորհիվ, մարդու վարքի ուսումնասիրության գիտության սկզբից ի վեր, սա եղել է դրա շրջանակներում ամենակարևոր թեմաներից մեկը:

Մանկավարժական ժամանակակից տեխնոլոգիաների թվում իր հաստատուն տեղն ու դերն ունի ուսուցման համագործակցային եղանակը, որը մեծապես նպաստում է ուսման արդյունավետության բարձրացմանը: Այն դժվարությամբ է մուտք գործել դպրոց, քանի որ դժվար էր ուսուցչի համար ավանդական, ուսուցչակենտրոն մեթոդներից անցում կատարել աշակերտակենտրոն մեթոդներին: Այս ուսուցման ժամանակ աշակերտները գիտելիքներ ձեռք են բերում ոչ միայն ուսուցչի օգնությամբ, այլև ինքնուրույն ,այսինքն` պասիվ ընկալողից դառնում են հայտնագործող և ուսման ակտիվ մասնակից:

Համագործակցային ուսուցումը զույգերով կամ խմբերով աշխատանքներ են որևէ խնդրի լուծման, թեմայի հետազոտման կամ նոր գաղափար իրականացնելու ուղղությամբ: Այն իր բնույթով այլընտրանքային մանկավարժական մոտեցում է: Համագործակցությունը իր տեսակով ձևավորեց խմբային աշխատանքի համագործակցության նոր մշակույթ:

Համագործակցային ուսուցման տարրերը 5 -ն են`

- 1. Խմբում աշխատելու դրական փոխկախվածություն**
- 2. Միմյանց հանդեպ խթանող փոխազդեցություն**
- 3. Անհատական հաշվետվություն և պատասխանատվություն**
- 4. Սոցիալական հմտություններ**

5. Խմբային գործընթաց

Համագործակցային ուսուցումը հանդիսանում է աշակերտների առողջ միջանձնային հարաբերությունների ստեղծմանը, դասը արդյունավետ և աշխույժ դարձնելու, սովորողների ակտիվությունը բարձրացնելու հիմնական միջոց:



Խմբերը կազմված են լինում տարբեր գիտելիքներ և կարողություններ, ինչպես նաև մտածելակերպ ունեցող աշակերտներից, որոնցից յուրաքանչյուրը ներկայացնում է իր տեսակետն ու միտքը, ծանոթանում դիմացինի տեսակետին ու սովորում միմյանցից: Դրանից բացի պետք է պայմաններ ստեղծել, որ աշակերտները մտածեն, որ իրենց առաջարկն ու մտածածը ճիշտ է, այսինքն՝ ստեղծել կարծիքների ինքնուրույն և ազատորեն արտահայտելու նպաստավոր միջավայր: Խմբային աշխատանքի այս ձևը կիրառվում է տարրական դասարաններում, սակայն մի խումբ դասվարներ խուսափում են դրանից՝ առաջացած աղմուկի պատճառով: Դա լուծելու համար պետք է նախապես ստեղծել ու ներկայացնել խմբում աշխատելու սեփական կանոնները, որը մշակում է տվյալ դասարանի ուսուցչը՝ աշակերտների մասնակցությամբ:

Համագործակցային ուսուցման հիմնական մեթոդներն են՝

- Աշակերտների թիմային առաջադիմություն
- Խճանկար
- Շրջագայություն պատկերասրահում
- Երեք բանալի և մեկ կողպեք
- Հինգրոպեանոց ազատ շարադրանք

Խմբային այս մեթոդները այն հիմնական մեթոդներն են, որոնք խթան են հանդիսանում ուսուցման մեջ հետ մնացող աշակերտների համար: Այստեղ մեծամասամբ գնահատվում է նրանց առաջընթացը: Դրանք լուրջ խթան

Են հանդիսանում ցածր առաջադիմությամբ աշակերտների համար, քանի որ նրանք նույնպես ներդրում ունեն թիմային աշխատանքի արդյունքում: Իսկ միջին և բարձր առաջադիմությամբ աշակերտների օգնությունը նրանց ոգևորում և տանում է առաջ: Այս դեպքում գնահատվում են և խմբերը, և առանձին աշակերտները:

ՆԵՐԱՌԱԿԱՆ ԿՐԹՈՒԹՅՈՒՆ

Ըստ վիճագրական տվյալների աշխարհում ապրում է մտավոր կամ ֆիզիկական հաշմանդամություն ունեցող ավելի քան կես միլիարդ մարդ: Նրանց ֆիզիկապես և սոցիալապես սահմանափակված լինելը մեկուսացնում է հասարակությունից և արգելում իրենց ակտիվ մասնակցությունը տվյալ համայնքի, մարզի և երկրի զարգացմանը:

Ներառական կրթությունը հենվում է բոլոր երեխաների՝ այդ թվում նաև կրթության առանձնահատուկ պայմանների կարիք ունեցողների, ուսում ստանալու իրավունքի վրա, որն էլ նպաստում է նրանց ակտիվ մասնակցությունը համայնքի, մարզի և երկրի զարգացմանը:

Հիմք ընդունելով Սահմանադրության 11-րդ հոդվածը՝ երեխայի կրթության իրավունքը, հաշմանդանությունը չի կարող արգելք լինել մարդու՝ կրթություն ստանալու իրավունքի վրա:

Յուրաքանչյուր ոք ունի կրթության իրավունք, որն ամրագրվել է դեռևս 1948 թ-ի <<Մարդու իրավունքների համընդհանուր հռչակագրի >> 26-րդ հոդվածում:

Համաձայն 1994 թ-ի <<Սալամանկայի հռչակագրի>>՝ յուրաքանչյուր երեխա ունի սովորելու առանձնահատկություններ, այդ իսկ պատճառով բոլոր դպրոցներում սովորողների համար պետք է ստեղծված լինեն աշակերտակենտրոն մանկավարժական հիմքեր, որոնք պետք է ուղղված լինեն այդ կրթության առանձնահատուկ պայմանների կարիքների բավարարմանը: Կրթության ժամանակ ուսուցիչները հաճախ են բախվում դժվարությունների՝ ուսումնական ծրագիրը բոլոր աշակերտների համար հավասարապես

մատչելի դարձնելու գործընթացում: Կախված մտավոր, վարքային, հոլզական, զգայական և ֆիզիկական զարգացման առանձնահատկություններից՝ աշակերտները տարբեր կերպ են յուրացնում ուսումնական նյութը:

Ներառում չի նշանակում ձուլում մյուս աշակերտների հետ, քանի որ բոլոր աշակերտները տարբերվում են իրենց սովորելու և մտածելու արագությամբ: Ուղղակի անհրաժեշտ է իրականացնել հասկանալի և մատչելի դասավանդում և մեծ համբերատարություն: Այս կրթությունը բացառում է երեխաների ցանկացած խտրականություն, ապահովում հավասար վերաբերմունք բոլոր մարդկանց նկատմամբ, ստեղծում հավասար հնարավորություններ կրթության առանձնահատուկ պայմանների կարիք ունեցող երեխաների համար ևս:



Բոլոր աշակերտների որակյալ կրթության տրամադրումը լուրջ ջանքեր է պահանջում ուսուցիչներից: Բացի այդ, այս կրթությունը պահանջում է մասնագետների և ընտանիքների կողմից ուսուցման գործընթացի կազմակերպում և երեխաների համար լավագույն միջավայրի ստեղծում համատեղ ջանքերով, որպեսզի հաջողություն գրանցեն թե՛ դպրոցում, թե՛ հասարակական կյանքում:

Նման դեպքերում պահանջ է առաջանում ոչ միայն ուսուցիչների համագործակցության, այլև թիմային աշխատանքի տարբեր ձևերի կիրառում: Միևնույն

Ժամանակ այն պահանջում է դասավանդման նոր ձևեր, որոնք կապահովեն բոլոր ռեսուրսների ճիշտ և պատշաճ օգտագործումը:



ԱՌԻՏԻՉՄ

Առևտիզմը հիվանդությունն է, այլ վիճակ, որով մարդիկ ծնվում են: Առևտիզմը անհնար է բուժել, սակայն ժամանակի ընթացքում կարելի է շտկել և մարդուն սոցիալական կյանքին հարմարեցնել: Այն զարգացման հապաղում է ու արտաքին աշխարհի հետ շփվելու ցանկության բացակայություն, որն արտահայտվում է ավելի ուշ և հայտնաբերելու համար պետք է հետևել երեխայի վարքին:



Առևտիզմով հիվանդ մարդիկ հիվանդագին են ընդունում նոր բանը, հակված են ամեն ինչ ծիսականացնելու, դժկամությամբ են իրենց զբաղմունքից շեղվում, սակայն երբեմն կարող են հանկարծ ինչ-որ բան անել: Երբեմն ունենում են նույնատիպ և կարող են իրենք իրենց վնասել:

Առևտիզմի մասին առաջին անգամ խոսվել է 18-րդ դարում: Նման մարդկանց նկարագրում էին որպես ներփակ, չխոսկան, սակայն գերազանց հիշողությամբ և հանճարեղ մտավոր առանձնահատկություններով: Այսպիսի երեխաներն ունենում են ֆենոմենալ հիշողություն և արվեստի գլուխգործոցներ ստեղծել ու

անհավանական արդյունքներ ցուցադրել սովորելու ընթացքում: Աուտիկների առանձնահատկություններից մեկը միօրինակ շարժումների կրկնությունն է և մեկ առարկայի վրա կենտրոնացումը: Աուտիզմի նախանշաններն են ` խոսքի դանդաղում, որևէ հարցի, որն ուղղված է իրեն, անարձագանք թողնելը, տեսողական կոնտակտի դժվար հաստատում, գերզգայուն կամ նվազ զգայուն են ձայների, համերի, հոտերի, լույսերի և գույների հանդեպ: Այս հիվանդությունը տարբեր տեսակ է դրսևորվում: Եթե ճանաչում ես աուտիզմ ունեցող որևէ մեկին, ուրեմն ճանաչում ես միայն մեկին: Աուտիզմ ունեցող յուրաքանչյուր մարդ անհատականություն է, առանձնահատուկ: Նրանք էլ սովորական մարդիկ են բոլորի նման, գիտեն սիրել, ընտանիք կազմել: Նրանք սիրում են շփվել վտանգների հետ: Տղաների մոտ 5 անգամ ավելի շատ է աուտիզմ հայտնաբերվում, քան աղջիկների մոտ:

Աուտիկ երեխաներն անհամաչափ են զարգանում, ունենում են հաղորդակցման արտահայտված խնդիրներ, ինքնամփոփ են և խուսափում են շրջապատի հետ շփումից: Տանը կամ հասարակության մեջ իրենց այնպես են պահում, ասես մենակ լինեն, չեն արձագանքում, ուրիշների վրա ուշադրություն չեն դարձնում, խաղում են միայնակ, երբեմն մենախոսում են, երբեմն լռում: Նրանք շփվում են առարկաների, այլ ոչ մարդկանց հետ, խուսափում ուղիղ հայացքներից, տեսողական կոնտակտից: Հույզերը սահմանափակ են, հաճախ անտարբեր, կարող են խոցելի և վախեցած լինել:

ԵԶՐԱԿԱՑՈՒԹՅՈՒՆ

Յուրաքանչյուր երեխա իրավունք ունի աջակցություն ստանալ ծնողի և հասարակության կողմից, որպեսզի սովորի, գնա դպրոց, ընդունվի հասարակության կողմից: Եթե բոլոր երեխաները, անկախ իրենց տարբերության, միասին կրթություն ստանան, յուրաքանչյուրը կշահի դրանից. սա է ներառական կրթության անկյունաքարը:

Այսինքն, ներառական կրթությունն նշանակում է տարբեր, զանազան երեխաների ուսուցում կողք կողքի, միևնույն դասարանում:

Ակնհայտ է, որ մեր հմուտ և փորձառու ուսուցիչները դժվարություններ են ունենում կրթության առանձնահատուկ պայմանների կարիք ունեցող երեխաների հետ աշխատելիս: Նրանք փորձում են որոշ մեթոդական հնարներ ու միջոցներ կիրառել, հեշտացնել, պարզեցնել, որից կատարված աշխատանքը կբերի ցանկալի արդյունքի: Այդ գործընթացն առավել դժվարանում է մտավոր զարգացման դժվարություններ ունեցող երեխաների ուսուցման ընթացքում: Այս դեպքում շատ կարևոր է կիրառել ուսուցման բազմազան տեխնոլոգիաները, հատկապես համագործակցային տեխնոլոգիան:

Համագործակցային ուսուցման նպատակն է՝ յուրաքանչյուր անհատի (այդ թվում առանձնահատուկ պայմանների կարիք ունեցողի) դարձնել ուժեղ անձնավորություն ժամանակակից հասարակության մեջ, նաև ձևավորել ինքնուրույն, պատասխանատու, ակտիվ ու հմուտ մարդ: Այս ուսուցումն առավել արդյունավետ է միայն այն դեպքում, եթե այն իրապես համագործակցային է, այլ ոչ թե ավանդական խմբային աշխատանք: Կազմակերպված խմբային աշխատանքները պետք է այնպես կազմակերպել, որ ԿԱՊԿՈՒ երեխան կարողանա անկաշկանդ ինքնադրսևորվել, ինքնահաստատվել: Այս ուղղությամբ արդյունավետ աշխատանքի նախապայմաններից մեկը ուսուցման բազմազան մեթոդներին ու տեխնոլոգիաներին տիրապետելն է: Իհարկե, բոլոր այս դժվարությունները ուսման մեջ հնարավոր չէ միանգամից վերացնել, սակայն աշակերտներին ոգևորելով կարող ենք հաջողություններ գրանցել:

Օգտագործած գրականություն

«Ներառական կրթության ռազմավարություններ»

Դասագիրք

**Յեղիսակներ
Ռենատա Տիքա
Բրայեն Յ. Էբերի
Քրիսթոֆեր Ջոնսթոն
Ալվարո Պոդոսյան**

Երևան, 2018թ., 252 էջ

**«Ներառական կրթություն»
Ուսումնական ձեռնարկ**

**Յեղիսակներ
Սուսաննա Թադևոսյան
Անահիտ Բախշյան
Արմեն Յովսեփյան
Սաթենիկ Յայթյան**

Երևան, 2017, 146 էջ

«Ուսուցման ժամանակակից մեթոդների կիրառումը»

**Յեղիսակ
Խաչատրյան Ս.Գ**

Գյումրի, 2006, 96 էջ

«Համագործակցային ուսուցում»

Յեղինակներ

Հովհաննիսյան Ա., Հարությունյան Կ., Խրիմյան Մ.,
Խաչատրյան Ս., Բայաթյան Ն., Ալեքսանյան
Լ., Պուրուկուրու Վ.,

Երևան, «Անտարես» հրատ., 2006, 123 էջ

ԲՈՎԱՆԴԱԿՈՒԹՅՈՒՆ

1. Ներածություն

-----2
2. Հետազոտության
նպատակը-----
--2
3. Հետազոտության
խնդիրները-----
---2
4. Հետազոտության
նշանակությունը-----3
5. Հետազոտության
արդիականությունը-----3
6. Համագործակցային
ուսուցում-----
-3
7. Ներառական
կրթություն-----
-----5
8. Առևտիզմ-----
-----8
9. Եզրակացություն-----
-----9

10. Օգտագործած գրականության

ցանկ-----**10**